



Andelko Hrgić, prvi čovjek za istrage u SIPA-i Formiran snažan tim u borbi protiv terorizma

U timu se nalazi 21 službenik, među kojima su profilirani analitičari i istražitelji • Saradnja s FBI-jem odlična



Hrgić: Na čelu ekipe

Andelko Hrgić, pomoćnik direktora Državne agencije za istrage i zaštitu (SIPA) i načelnik kriminalističkog istražnog odjela, u razgovoru za naš list istakao je da je Specijalni tim SIPA-e za borbu protiv terorizma, na čijem je čelu, već uveliko počeo s radom.

Hrgić, inače prvi čovjek zadužen za istrage u SIPA-i, kazao je da tim formiran 20. februara čini 21 službenik, među kojima su i načelnici regionalnih ureda SIPA-e iz Sarajeva, Mostara, Banje Luke i Tuzle.

- U tim su ušli i načelnik Sektora za operativnu podršku SIPA-e, načelnik Fi-

nansijsko-obavještajnog odjela, v. d. komandanta Jedinice za specijalnu podršku, šef Odsjeka za borbu protiv terorizma, šef Odsjeka za kriminalističko-obavještajne poslove, profilirani analitičari i istražitelji koji su prošli niz specijalističkih obuka iz ove oblasti - rekao

Terorizam prioritet

Govoreći o prioritetima u radu SIPA-e u 2015. godini, Hrgić je kazao da su, u skladu sa strateškim planom agencije, terorizam i finansiranje terorističkih aktivnosti apsolutni prior-

itet u radu.

Zadaci Specijalnog tima za borbu protiv terorizma su kontinuirano prikupljanje, analiza i razmjena svih podataka i informacija koje su u vezi s terorizmom.

- Naši zadaci su i provođenje istražnih aktivnosti na dokumentiranju ovih kr-

ivčnih djela, saradnja i pravovremena razmjena operativnih saznanja s drugim agencijama za provođenje zaka-

ona u BiH, zemljama regiona i šire, kao i davanje smjernica za daljnje djelovanje SIPA-e u vezi s ovom problematikom - istakao je Hrgić. Kada je u pitanju saradnja SIPA-e i FBI-ja, ustvrdio je da je izuzetno uspješna.

- Ta saradnja je kontinuirana i svakodnevna, a razmjena obavještajnih i drugih informacija vrši se u oba smjera. SIPA u svom svakodnevnom radu ostvaruje saradnju i s drugim partnerskim agencijama u BiH - kazao je Hrgić. **M. AŠČIĆ**